



PRANUAR MË:  
ACCEPTED ON: 24.01.2024  
PRIMLJENO:  
Nr.No.Br. 07/07



REPUBLIKA E KOSOVËS  
KOMUNA E MALISHEVËS  
Drejtoria e Inspektoratit

|        |                                                                                                    |
|--------|----------------------------------------------------------------------------------------------------|
| DATE:  | 24/01/2024                                                                                         |
| PËR:   | z. Ekrem KASTRATI , Kryetar i Komunës                                                              |
| NGA:   | Hafir REXHA, Drejtor i Drejtorisë së Inspektoratit                                                 |
| LËNDA: | Raport i Punës së Drejtorisë së Inspektoratit për periudhën kohore prej 01/01/2023 deri 31/12/2023 |



I nderuar,

Bashkangjitur gjeni Raportin e Punës së Drejtorisë së Inspektoratit për periudhën kohore Janar –Dhjetor 2023.

Në kuadër të Drejtorisë së Inspektoratit funksionojnë këta sektorë:

1. Shefi i Drejtorisë
2. Sektori i Tregut
3. Sektori i Ndërtimi
4. Sektori i Ambientit
5. Sektori i Komunikacionit
6. Sektori i Shërbimeve Publike

Drejtoria e Inspektoratit gjatë këtyre muajve ka bërë inspektimin e terrenit në përgjithësi tek të gjithë sektorët.

Gjatë këtyre muajve jemi angazhuar maksimalisht që detyrat e tona t'i përfundojmë me përpikëri. Kemi bërë planifikimin e punëve për drejtori për vitin 2023, kemi bërë vlerësimin e punëtorëve për vitin 2022, kemi bërë Raportin e punës për drejtori për vitin 2022 dhe të gjitha këto i kemi dorëzuar tek kryetari.

Është bërë ndalimi i punimeve në gërmim të një objekti në rrugën “Adem Jashari” në Carrallukë, si dhe në bashkëpunim me Policin e Malishevës është bërë ndalimi të një tjetër ndërtim me rastin e rifillimit të ndërtimit në rrugën “Imer Krasniqi” njëkohësisht janë bërë edhe vendosja e shiritave në objekt.

Vendimi i Kuvendit Komunal për ndalimin e sektorit të gastronomisë që të shërbejnë me shishe kemi filluar të bëjmë zbatimin e tij dhe me këtë rast herë pas here kemi inspektuar disa subjekte të gastronomisë dhe aty ku kemi hasur që këto subjekte janë duke ju shërbyer klientëve kemi shqiptuar gjoba mandatorë, vlen të ceket se gjatë kësaj kohe të raportimit kemi shqiptuar shumë gjoba mandatore për disa subjekte afariste për mos respektim të këtij vendimi.

Kemi lëshuar pëlqime për licencim për kushte minimale teknike për ushtrimin e veprimtarisë afariste për disa subjekte afariste.

Kemi përcjellë për në Drejtorin e Urbanizmit shkresë lidhur me një ankesë-peticion të lagjes Mekaj- Malishevë lidhur me ndalimin e ndërtimeve të larta në këtë lagje të cilat pretendojnë se do të bëhen.

Kemi bere inspektimin e furrave të bukës, inspektimi ka qenë me theks të veçantë për deklaracionin e peshës së bukës si dhe përputhshmëria e çmimit me deklaracion të peshës së bukës. Shqyrtimin e kërkesave në Mleqan për ujëra atmosferik si dhe Terpezë të ulet ,për dëmtim të disa pronave nga uji i autostradës.

Është bere kallëzim penal në Prokurorin Themelore Gjakovë për rifillimin e ndërtimit të objektit në rrugën “Imer Krasniqi” pasi që këtë ndërtim e kemi ndaluar disa vite me herët

Në bashkëpunim me policin dhe zyrtaret e gjeodezisë kemi bere shenjëzimin e trasesë së rrugës “Ibrahim Mazreku” përkatësisht shenjëzimin e pronës publike me atë private.

Pas njoftimit të Policisë për një rast në fshatin Bubël, për arsye se një qen sipas deklaratës së ankuesit është qen endacak i racës Pitbull ka bere rrezikimin e familjes, në bashkëpunim me policin dhe shoqatën e gjuetareve kemi bërë eliminimin e tij pasi që konstatimi i veterinarit është se qeni është i tërbuar dhe paraqet rrezik edhe për banoret e tjerë të fshatit, i njëjti rast ka ndodhur edhe në një familje në fshatin Lubizhd dhe është vepruar njëjtë me eliminimin e qenit.

Në bashkëpunim me Policin e Malishevës kemi inspektuar sektorin e gastronomisë për respektimin e vendimit të kuvendit komunal për ndalimin e përdorimit të shisheve për klient, me këtë rast kemi hasur në subjekte afarste duke ju shërhyer klientëve me shishe, ne kemi bërë ndërprerjen e ushtrimit të veprimtarisë si dhe njëkohësisht kemi bërë edhe vendosjen e shiritave.

Pas ankesave kemi inspektuar në fshatin Kijevë dhe me këtë rast është shqiptuar gjobë mandatorë për hedhje mbeturinave komunale në pronë publike në vlerë prej (200 €) si dhe dy gjoba tjera në Malishevë për hedhje të mbeturinave në prona publike.

Kemi pasur takime zyrtare me Policin e Malishevës, me Inspektoret e Ndërtimit të MMPHI .

Me rastin e inspektimit në Ujëvarat e Mirushës kemi vërejtur se në hyrje të Ujëvarës së Mirushës përkatësisht afër pellgut kryesor të Ujëvarave në anën e djathtë ka rrëshqitje-shkeputje të mëdha të gurëve nga bregu lart, pasi që ka ende gur të mëdhenj të shkëputur nga bregu, mirëpo nuk kanë ra poshtë, kemi konsideruar se kjo paraqet rrezikshmëri të madhe për kalimtarët apo vizitorët, që këta gur të bien poshtë nga bregu .Si masë urgjente ne kemi bërë mbylljen e kësaj

---

hapësirë me vendosjen e shiritave, kemi përpiluar edhe procesverbal nr. 10/03/2023 datë 03/03/2023, si dhe njëkohësisht përmes emailit kemi dërguar kërkesë që urgjentisht nga Drejtoria për Mbrojtje dhe Shpëtim të inspektojnë terrenin dhe të marrin masat e mëtutjeshme për parandalimin e ndonjë fatkeqësie.

Me datën 03/03/2023, pasi janë përfunduar të gjitha procedurat administrative, në bashkëpunim Policin e Kosovës, zyrtar të drejtorisë së Gjeodezisë, me kompaninë kontraktuese për ndërtimin e rrugës "Ibrahim Mazreku", me kompaninë e kontraktuar për rrënime, kemi filluar nga ura e madhe të bëjmë lirimin e hapësirës publike.

Herë pas here së bashku me policin kemi bërë njoftime - vërejtje me gojë pronarëve të disa objekteve për filmimin e lirit të hapësirave publike nga vet ata, e që në përgjithësi kanë filluar vet të bëjnë lirimin e këtyre hapësirave duke bërë rrënimin e pjesëve të objekteve që janë në hapësirat publike.

Asistimi - mbikëqyrja e punëve të procesit të lirit të hapësirave publike nga ana jon ka qenë e përhershme si gjatë ditëve të rregullta të punës ashtu edhe gjatë ditëve të vikendeve.

Nga Ministria e Tregtisë dhe Industrisë-Prishtinë jemi njoftuar se në treg janë duke u shitur katër lloje të produkteve (disqe për prerje metali, aparat për ngrohje uji) e që paraqesin rrezikshmëri serioze të prodhimit të atyre produkteve, ne menjëherë kemi dal në inspektim neper të gjitha subjektet afariste të cilat merren me shitjen e këtyre produkteve, ne kemi hasur në numër të vogël të tyre, kemi bërë largimin e këtyre produkteve nga tregu deri në një vendim tjetër nga MINT.

Kemi pranuar tri shkresa nga Policia e Malishevës:

1. Per informata shtesë për një subjekt afarist në Terrpez të Ulet, me këtë rast kemi inspektuar këtë subjekt dhe kemi dërguar informata shtesë për Policin e Malishevës.

2. Për rrezikshmërinë në rrugën Imer Krasniqi pasi në tri vende del ujë në rrugë, ne kemi inspektuar këtë lokacion dhe kemi bere shkresë për Drejtorin e Urbanizmit.

3. Si dhe për përdorimin e shisheve nga dy subjekteve afariste, me këtë rast kemi shqiptuar për dy subjektet afariste gjoba mandatorë (një subjekti afarist gjobë 500 € dhe një tjetri 1000 €)

Pas dëmtimit të një ure të vogël në lagjen Hazrolli-Banjë kemi inspektuar dhe kemi bërë rekomandim për ndërhyrje për rregullimin e dëmtimit të kësaj ure nga Drejtoria e Urbanizmit.

Pas marrjes se shkresës nga Policia e Gjakovës për informata shtesë lidhur me piketimin e një objekti banesor të ndërtuar , ne kemi kthyer përgjigje me informatat shtesë lidhur me objektin banesor.

Pas njoftimit-kërkesës nga Policia e Malisheves kemi inspektuar-asistuar në një fshat të komunës sonë ,në një familje Policia me urdhër të gjykatës gjatë bastisjes përveç substancave narkotike kanë hasur edhe në disa lloje të mallrave të ndryshme (kozmetik në sasi më të mëdha), ne në bashkëpunim me policin kemi bere bllokimin e përkohshëm të atyre mallrave deri në verifikimin e prejardhjes si dhe deklaracionit të mallrave, përgjegjësinë e këtij malli-produkti e ka marr një subjekt afarist.

Pas konsultave edhe me Inspektoratin e MINT-Prishtinë dhe prezantimit të dokumentacionit të mallit të bllokuar nga personi përgjegjës i kompanisë përsëri me Policin kemi shkuar në vendngjarje dhe personit përgjegjës ju është lejuar malli me rekomandim që sasia eventuale e dëmtuar dhe e padëmtuar pasi që është e periudhës 2015/16, e tërhequr nga tregu për shitje kur te behet asgjësimi i mallit të lajmëroj ATK për procedurë të mëtejme.

Me rastin e mos pagimit të disa gjobave mandatore nga disa subjekte afariste të cilat i kemi shqiptuar më herët dhe kalimit të afatit ligjor kohor për pages të tyre ne kemi iniciuar procedurë përmbartimore të përmbartuesi privat .

Kemi bere kontrollimin e të gjitha marketeve, ku me theks të veçantë ka qenë kontrollimi mallrave për afat të skadences të mallrave, pastaj përputhshmëria e çmimit të mallit raft-arkë, ndarja e produkteve me prejardhje shtazore dhe atyre te bimore, higjiena në përgjithësi.

Me rastin e inspektimeve të marketeve kemi pas raste që kemi hasur në mallra të ndryshëm ushqimor me afat të skaduar ku ne kemi ber konfiskimin e me pastaj asgjësimin e mallit si dhe kemi shqiptuar gjobë mandatore për subjekt afarist dhe personit përgjegjës (ky inspektim është ber 4 her gjatë vitit)

Jemi marrë intensivisht me reklamimin (shitjen e mallit) e mallit jashtë vendit të caktuar si dhe me tavolinat që gjenden jashtë lokaleve, ju kemi dhen urdhëresa për mos reklamin të mallit si dhe ato lokale qe dëshirojnë dhe nuk e pengojnë hapësirën e këmbësoreve të pajisën me leje për shfrytëzim të këtyre tavolinave edhe jashtë lokalit ne veçanti të veçantë në rrugën “Ibrahim Mazreku”.

Pas marrjes se shkresës nga MINT-Prishtinë për kontrole të subjekteve afariste për ekspozimin e cigareve elektronike në vende të dukshme , ne kemi dal nëpër të gjitha subjektet afariste të cilat merren edhe me shitjen e cigareve elektronike. Gjatë inspektimit në ato vende që kemi hasur në cigare elektronike në vende të dukshme kemi dhënë urdhëresë që këto produkte të mos jen të dukshme-ekspozuara në asnjë vend të shitjes dhe nuk duhet të jen të shfaqura për qëllime komerciale, shitjen ta bëjnë pa ekspozime të këtyre produkteve.

Pas njoftimit nga Policia e Malishevës për disa mbeturina medicinale të hedhura në rrugën transite Banjë-Carrallukë ,ne kemi inspektuar terenin dhe njëkohësisht në bashkëpunim me Inspektoratin Shëndetësor dhe atyre të mjedisit të MMPHI ,kompaninë e licencuar për përpunimin e mbeturinave medicinale kemi bërë largimin e këtyre mbeturinave.

Janë inspektuar ndërtimet në përgjithësi, në theks te veqant ndërtimet e larta për të verifikuar apo ju përmbahen kushteve të ndërtimit si dhe janë dhen urdhëresa për piketimin e këtyre objekteve të ndërtimit të cilat fillojnë apo edhe kanë filluar së ndërtuari.

-Pas njoftimit të Policisë për hedhje të disa mbeturinave nga një banor i fshatit Llozic, ne kemi inspektuar këtë lokacion dhe kemi shqiptuar gjob mandatore (70 €).

-Pas ankesës të bërë nga një subjekt afarist se në lokalitetin e tij ka hyr ujë, ne kemi inspektuar se bashku me zyrtar të drejtorisë së emergjencave dhe kemi vërtetuar se uji ka hyr në lokal nga rruga “Pavarësia” pas reshjeve të mëdha të shiut dhe ka shkaktuar disa dëme në lokal (në punime të veshjeve-fustana).

-Pas kontrollit të Doganave të Kosovës në një restorant, aty kanë hasur që personi përgjegjës i këtij restoranti është duke shërbyer me shishe-llulla klientëve, ata kanë lajmëruar Policinë e Kosovës dhe në bashkëpunim me Policinë e Kosovës pastaj ne kemi bërë mbylljen e restorantit duke ja vendosur shiritat.

-Kemi pas inspektim nga Inspektorët e Ujërave të MMPHI-Prishtinës lidhur me shqyrtimin e një ankese anonime për ndërtimin e urës së madhe në Malishevë, dhe në bashkëpunim me ne është inspektuar vend punishtja.

-Kemi shqiptuar gjob mandatore (200 €) për një subjekt afarist për arsye se ka djeg mbeturinat e mbetura pas përfundimit të punës .

-Pas rifillimit të punimeve të një ndërtimi të cilin ndërtim e kemi ndaluar më herët në lagjen Mirdita ne kemi dërguar lenden për Kallëzim Penal ( për heqje të shiritit dhe rifillim të ndërtimit) dhe njëkohësisht kemi bërë përsëri ndërprerjen e punimeve me vendosje të shiritave

-Pas disa ankesave të banorëve që janë në afërsi të një subjekti afarist e cila ankesë është për ndotje akustike që bëjnë (aparaturat) me rastin e ftohjes së objektit, ne kemi urdhëruar personin përgjegjës të këtij subjekti të bëjnë matjen zyrtare të zhurmës (ndotjen akustike) të cilën e bën ky subjekt, si dhe njëkohësisht të merr masa për eliminimin e zhurmës, e që për shkak të mosrespektimit të urdhëresës sonë është shqiptuar gjobë mandatorë (500 €), më pastaj subjekti afarist ka bërë eliminimin e zhurmës .Inspektim në këtë subjekt afarist kemi bërë edhe me Inspektorët nga MMPHI-Prishtinë.

-Me rastin e mbajtjes së festivalit “Oda e Llapushes” kemi asistuar me Policinë dhe Drejtorin e Kulturës lidhur me mirëvajtjen e përgjithshme të festivalit.

-Po ashtu asistime dhe mbikëqyrje kemi bërë edhe me rastin e mbajtjes së festivalit “Mal Fest”

-Në bashkëpunim me Policinë e Malishevës kemi inspektuar një lokacion në Balinc për arsye se kemi informata se nga dikush ende i panjohur her pas here është duke hequr dheun në afërsi të rrugës kryesore, në momentin e inspektimit nuk kemi hasur në punime por kërkesa është që edhe policia nëse hasin duke punuar të na njoftojnë.

-Me rastin e fillimit të ndërtimit të një objekti banesor në rrugën "Hamdi Berisha" përkatësisht në momentin e inspektimit kemi hasur duke bërë heqjen e dheut dhe mbushje me zhavorr ne kemi urdhëruar të ndërpriten punimet, personi përgjegjës nuk ka ber ndërprerjen e punimeve dhe ka vazhduar me punime përkatësisht ka ber vendosjen e betonit te ashtuquajtur të vdekur të objektit ne në bashkëpunim me Policin kemi bërë ndërprerjen e mëtutjeshme të punimeve duke ja vendosur edhe shiritat mbrojtës-mbyllës, njëkohësisht kemi dërguar lenden për Procedurë Penale-Kalxim penal të Prokuroria e Gjakovës, për veprën penale fillim të Ndërtimit Pa Leje Ndërtimore.

-Me rastin e inspektimit ne dy restoranteve kemi hasur që personat përgjegjës të tyre janë duke ju shërbyer klientëve me shishe ne në bashkëpunim me Policin kemi ber mbylljen e veprimtarisë afariste duke ju vendosur shirita mbyllës.

-Pas lajmërimit të Policisë rreth një ankese të një qytetari për një ordinanc stomatologjike, ne kemi bërë inspektimin dhe kemi vërtetuar se ordinance ka Licencë pune nga Ministria e Shëndetësisë, mirëpo personi përgjegjës i kësaj ordinance pas marrjes së Licences në MSH ka bërë vetëm shuarjen vullnetare të biznesit, e jo edhe të licencës së lëshuar nga MSH. ,ne kemi bërë mbylljen e kësaj ordinance (shirita nuk kemi vendos sepse aty janë duke u ber hetime dhe ekzaminime të ndryshme nga Policia).

-Herë pas here është inspektuar në rrugën "Ibrahim Mazreku" për mirëvajtjen e përgjithshme të subjekteve afariste si dhe tregtarëve ambulator të cilët kanë pëlqime për zhvillimin e veprimtarisë në këtë rrugë.

Ky inspektim është ber gjatë orarit të punës si dhe gjatë mbrëmjes, dhe arsye kryesore e këtyre inspektimeve te shumta ka qenë pasi që në muajin korrik dhe gusht kjo rrugë ka qen e mbyllur për automjete 20:00-24:00 dhe është përdorur shëtitore dhe me këtë rast ka pas fluks të madh të vizitorëve-qytetarëve

-Me rastin e inspektimit në sektorin e komunikacionit kemi inspektua kompani transportuese, autotaksit si dhe kombitaxit për mos lejinin e kombitaxive që të ushtrojnë veprimtarin e tyre leje si dhe kompanitë transportuese për respektim të vijave të lejuara urbane si dhe të mos punojnë pa vija urbane komunale , me këtë rast kemi hasur në një k-taxi pa leje të vijave urbane dhe i kemi shqiptuar gjobë mandatore

-Me rastin e inspektimit të terrenit për mbrojtjen e ambientit kemi hasur një qytetar duke hedhur mbeturina të ndryshme në pronën publike dhe me këtë rast i kemi tërhequr vërejtjen dhe gjithashtu kemi shqiptuar gjobë mandatore .

-Po ashtu me rastin e djegies se mbeturinave në një lokacion në Malishevë, për personin përgjegjës që ka bërë djegien e mbeturinave i kemi shqiptuar gjobë mandatore

-Ne rrugën "Imer Krasniqi" gjatë vikendit duke inspektuar kemi hasur duke bërë ndërtimin e një muri në pronën komunale përkatësisht në afërsi të rrugës, me këtë rast kemi urdhëruar që murin e vendosur në pronë publike ta rrënoj në mënyrë vullnetare dhe personi përgjegjës ka zbatuar urdhëresën ton dhe ka bërë rrënimin-heqjen e murit-vullnetarisht aty për aty në pronën publike.

-Pas njoftimit të Policisë me datë 13 tetor rreth orës 17:00, se kemi disa raste të helmimit të disa qytetarëve nga një restorant (fast food), ne menjëherë kemi dal në vendngjarje dhe njëkohësisht kemi njoftuar Inspektoratin Regjional të AUV-Prizren. Paraprakisht kemi ber në mënyrë të përgjithësuar monitorimin e rasteve të të helmuarve në QKMF.

-Ne koordinim me Inspektorët e AUV, Policin kemi inspektuar restaurantin dhe njëkohësisht kemi bërë ndalimin e veprimtarisë afariste, dhe në ndërkohë inspektorët e AUV kanë marrë mostrat në restaurant (të mishit, sosit, sallatës e disa produkteve tjera) dhe i kemi vendosur në frigorifer për ruajtje dhe frigoriferit je kemi vendosur shiritin mbrojtës, si dhe kemi bërë mbylljen e lokalit me shirit mbyllës.

-Të nesërmen në bashkëpunim me Inspektorët e AUV, Institutin e shëndetit publik, Prokurorinë, Policin, kemi marrë mostrat e ushqimit për analizë, si dhe janë marrë 25 strisho për analizë të mëtutjeshme. Me këtë rast janë konfiskuar dhe njëkohësisht janë asgjësuar sasia prej 64 kg mish i bluar i cili ky produkt ka qenë duke u ruajtur në kushte jo të mira, mishi është asgjësuar aty për aty duke e hedhur në kamionin e kompanisë për mbeturina.

-Duke marrë parasysh se dyshimet e helmimit të ndodhur janë nga restorante që përgatitin ushqime të shpejta (fast food) ne në koordinim-bashkëpunim me Inspektorët e AUV kemi bërë inspektime të jashtëzakonshme të këtyre restoranteve që ushtrojnë veprimtarinë e tyre në tërë territorin e Malishevës dhe me këtë rast kemi bërë ndalimin e ushtrimit të veprimtarisë së tyre në 5 subjekte (restorante) kryesisht në këto restorante kemi dhënë urdhëresë që urgjentisht të bëjnë DDD e hapësirave të lokalit si dhe stafi të pajiset me librezë sanitare, ta mbajnë higjienën e përgjithshme të objektit.

-Pastaj kemi vazhduar me inspektimet në të gjitha restorantet tjera në Malishevë si dhe jashtë qytetit të Malishevës

-Pas ankesave të banorëve të fshatit Balinc ne kemi dalë në vendngjarje dhe kemi vërtetuar se në disa vende muret anësore të nënkalimit në Balinc janë plasaritur. Me këtë rast kemi bërë disa foto dhe kemi dërguar email për inspektoratin e MMPHI-Prishtinë për rastin në përgjithësi dhe kemi kërkuar që të dalin në teren për marrjen e masave të mëtutjeshme të nevojshme.

-Pas shkresës së Policisë rreth një ankese të një qytetari ne kemi marrë informatat e mëtutjeshme për subjektin afarist që është ankuar qytetari dhe njëkohësisht kemi dërguar informatat shtese për subjektin afarist policisë si dhe kemi dërguar email inspektoratit regional të punës në Prizren.

-Me rastin e shpalljes së vijave të lira urbane për komunën e Malishevës ne kemi lëshuar vërtetime për kompanitë transportuese për mbajtjen e vijave urbane.

-Pas kërkesës nga Drejtoria e Arsimit për ndalimin e shetitjes për nxënësit e shkollës së mesme për në Brezovic që kanë parapa nxënësit pa organizim ligjor, ne me datë 16/12/2023 (shtunë) kemi dalë në teren dhe në bashkëpunim me Policin kemi vërtetuar se disa kompani transportuese në bashkëpunim me nxënësit kanë bërë organizimin për shetitje për në Brezovic, dhe me këtë rast kemi bërë ndalimin e kësaj shetitje e cila ka qenë pa organizim nga institucionet kompetente që parashihen me udhëzime administrative.

-Me rastin e festave të fund vitit kemi bërë inspektimin e terrenit për parandalimin shites së mjeteve piroteknike në hapësira jo të destinuara, si dhe nga persona të mitur.

---

-Kemi bërë shpërndarjen e Aktvendimeve të Taksës Komunale për subjektet afariste, si dhe shpërndarjen e Vërejtjeve për subjektet afariste të cilat subjekte nuk e kanë paguar taksën komunale për vitet e mëhershme.

-Kemi dërguar disa Kallëzime Penale për personat të cilët kanë filluar punimet në ndërtim Pa Leje Ndërtimore

-Kemi dërguar disa lëndë të përmbaruesi privat për shkak të mos pagesave të gjobave mandatore nga persona përgjegjës të subjekteve afariste

-Është bërë orari i kujdestarisë gjatë gjithë vitit përkatësisht për çdo tre muaj me ndryshime të herë pas hershme për barnatoret e qytetit të Malishevës.

-Zyrtar të drejtorisë tonë kanë marr pjesë në komisione për hartimin dhe ndryshimin e rregulloreve të ndryshme komunale si dhe në komisionin për Transparencë Komunale.

-Janë inspektuar 33 objekte me Leje Ndërtimore të reja të filluara në këtë vit. -

Janë inspektuar 26 objekte të pajisura me Leje Mjedisore Komunale se a po zbatohen-respektohen masat mbrojtëse mjedisore të cekura në raportin mjedisor e që janë respektuar masat mbrojtëse të cekura në raport mjedisor.

➤ Gjatë kësaj periudhe të raportimit , Drejtoria Inspektoratit ka bërë , gjithsej ;

- ❖ 556 Procesverbale;
- ❖ Të hyra të përgjithshme nga Drejtoria 13.359 €
- ❖ 55 Aktvendime, Pëlqime, Vërtetime;
- ❖ 152 Shqyrtime të kërkesave-ankesave të natyrave të ndryshme ;
- ❖ 32 Gjoha mandatore ;
- ❖ 3 Kërkesa, Kallëzime penale në Prokurori ;
- ❖ 16 Lëndë të përmbaruesi privat;
- ❖ 18 Shkresa-Kërkesa policisë ;

**Faleminderit !**

---